

Script of Evening Gojri News Bulletin 17 October 2024 at 1700 Hrs

ایوننگ گو جری نیوز بلیٹن مورخہ 17 اکتوبر 2024

یوہ آکا شوانی جموں بے عبید الرحمن تے محبوب سلطانیتیں خبر سنو۔ پہلاں خاص خاص
خبر۔

- *1. وزیر اعظم نریندر مودی نے قومی شناخت قائم کرن مانہ زبان، ادب، فن تے روحانیت کا کردار ور روشنی پائی ہے۔
- *2. جموں کشمیر غا وزیر اعلیٰ عمر عبداللہ نے اج اپنی سرکار غی پہلی کا بینہ میٹنگ غی صدارت کی اور کہیو کہ نوی سرکار غی ترجیحات مانہ بنیا دی ڈھانچہ غی تعمیر، صحت مرکز، تعلیم تے روزگار غا موقعہ فراہم کرنا ہیں۔
- *3. حفاظتی دستاں نے سرحدی ضلع پونچھ تے راجوری مانہ بکھ بکھ جگہاں ور دہشت گرداں غی تلاش واسطے آپریشن شروع کیو ہے۔
- *4. تے مہاریشی والمیکی جینتی غا موقعہ ور صدر جمہوریہ درویدی مرمو، نائب صدر جمہوریہ جگدیپ دھنکر تے وزیر اعظم نریندر مودی نے قوم غے تنیں نیک خواہشات گو اظہار کیو ہے۔

خبران غی تفصیل نال پہلاں عبید الرحمن ۔

PM Abidhamma

وزیر اعظم نریندر مودی نے زور پاتاں واں کہیو ہے جے ثقافتی ستون جن مانہ زبان، فن، لسانیات تے روحانیت شامل ہیں نانہ ملک غی اک شناخت غے طور ور شکل دتی جانی چاہیے۔ اج نوی دہلی مانہ بین القوامی ابھی دھامہ دیوس پروگرام غے دوران بولتاں واں کہیو جے ملک اس ویلے ترقی گا رستہ ور رواں دواں بے تے ہم نانہ خو اعتمادی، خود فخر تے عزت نفس غی ڈونگی جڑاں نال جڑیو رہنو چاہیے۔ جناب مودی نے اسے دوران دُنیا توں اپیل کی جے ویں جنگ مانہ نہیں بلکہ بھگوان بدھ غی تعلیمات مانہ حل لوڑیں، جہیڑی امن غو راہ ہموار کرے۔ اُنہاں نے کہیو جے بھارت نے تبدیلی غو سفر شروع کیو ہے جس نانہ امرت کال غا ناں توں وی جانیو جاے۔ اُن غو کہنوتھو جے یوہ سفر سال 2047 مانہ ختم وے گو۔ جناب مودی نے کہیو جے یوہ دور اک ترقی یافتہ بھارت غو گواہ ہے۔ اُنہاں نے کہیو جے بھگوان بدھ غی حکمت تے رہنمائی مانہ ملک غا ترقی گا نقشہ مانہ بے مثال تے مثبت تبدیلی آئی جاے گی، وزیر اعظم نریندر مودی نے ملک غا نوجواناں توں سائینس تے ٹیکنالوجی مانہ دُنیا غی قیادت کرتاں واں اپنی ثقافتی چیزاں ور فخر کرن غی اپیل وی کی۔ مرکزی حکومت غی طرفوں زبان نانہ کلسیکل زبان غا درجہ دین بارے جناب مودی نے کہیو جے زبان صرف گل بات کرن غو ذریعو نہیں بلکہ تہذیب و ثقافت غی روح ہے۔ ابھی دھامہ دیوس غا مبارک موقعہ ور جناب مودی نے تمام لوکاں تے خاص طور ور بھگوان بدھ نانہ منن آلاں نانہ مبارکباد دتی ہے۔ اُنہاں نے کہیو جے اج شرد پُر نیما غو مقدس تہوار بے تے نال بی نال مہاریشی والمیکی جی غو جنم تہاڑو وی ہے۔

Omar Cabinet Meet

جموں کشمیر وزیر اعلیٰ عمر عبداللہ نے گذشتہ روز یوٹی غا پہلا وزیر اعلیٰ غے طور حلف لین تیں بعد اج اپنی سرکار غی پہلی کا بینہ میٹنگ غی صدارت کی۔ اس دوران انتظامیہ غا معاملات اور سرکار غی موجودہ ترجیحات ور تبادلہ خیال کیو گیو۔ میٹنگ غے دوران موجودہ وقت مانہہ جاری ترقیاتی پروجیکٹاں غو وی جائزولیو گیو اور یاه گل وی واضع کی گئی کہ اس وقت سرکار غی ترجیحات مانہہ بنیادی ڈھانچہ غی تعمیر، طبی سہولیات، تعلیم تے روزگار غا موقعہ فراہم کرنا ہیں۔ اس کا بینہ میٹنگ نال علاقہ غے اندر سیاسی تبدیلی رونما ہوئی ہے۔ گذشتہ روز وزیر اعلیٰ عمر عبداللہ نے سیکریٹریاں تے اعلیٰ افسران نال تعارفی میٹنگ کر غے انتظامیہ مانہہ احسن طریقہ نال چلان غی شروعات کر دتی تھی۔

PM Dance Festival

وزیر اعظم نریندر مودی نے کہیو ہے جے موسیقی تے ناچ گانو اک ایسی زبان ہیں جہیڑی سرحدان غی لکیراں تک قید نہیں ہیں۔ اور اس زبان مانہہ ساری دُنیا سمجھے۔ نوی دہلی مانہہ اج پہلا بین القوامی بھارتیہ ناچ تہوار مانہہ اپنا خصوصی پیغام مانہہ جناب مو دی نے نوجوان نسل واسطے ناچ ہی اہمیت مانہہ اُجاگر کیو اور کہیو کہ یوہ ناچ گانو ہندوستانی تہذیب غو حصو ہے۔ اُن نے کہیو کہ اس طرز غا تہواراں مانہہ نوجواناں غی شمولیت اُن مانہہ اپنی بنیاداں نال جوڑن مانہہ کافی مدد کرے اور قوم غی تعمیر مانہہ وی اہم کردار ادا کرے۔ سنگیت ناٹک اکیڈمی غی طرفوں اس 6 روزہ تہوار غو افتتاح گذشتہ روز ثقافت تے سیاحت غا وزیر گجیندر سنگھ شیکھوت نے کیو۔ اس تقریب مانہہ کئی کلاکاراں، سکالرتے طالب علم حصو لے رہیا ہیں۔

President Visit

صدر جمہوریہ درویدی مُرمو اپنا 3 افریقی مُلکاں غا دورہ غے تحت اج ملاوی پُج گئی ہیں۔ ملاوی غو اُن گو یوہ دورو کسے وی بھارتی صدر غو پہلو دورو ہے۔ ملاوی غا اپنا 3 روزہ دورہ غے دوران محترمہ مرمو دو طرفہ معاملات ور گل بات کریں گی اس تیں علاوہ وین بھارتی تارکین وطن تے وفد سطحی اجلاس مانہہ وی گل بات کریں گی۔ صدر جمہوریہ اج کا روپاری تقریب مانہہ وی شرکت کریں گی۔ تے وین پلک ملاوی غا صدر سنگ 2 طرفہ امور ور گل بات کرن غے نال نال وفد سطحی اجلاس مانہہ شامل وین گی۔ اس دورہ غے دوران صدر جمہوریہ اہم ثقافتی تے تاریخی جگہاں جن مانہہ قومی جنگی یادگار، شری رادھا کرشن مندر تے ملاوی جھیل شامل ہیں غو دورو کریں گی۔ 19 اکتوبر تک اس 3 روزہ دورہ غو مقصد بھارت تے ملاوی بشکار دوستانہ تعلقات مانہہ مزید مضبوط کرنو ہے۔

Shivraj MSP

زراعت تے کساناں غی فلاح و بہبود غا مرکزی وزیر شیوراج سنگھ چوہان نے وزیر اعظم نریندر مودی گا سال 26/2025 واسطے ربیع غی 6 فصلاں ور ایم ایس پی بدھان غا فیصلہ ور شکریو ادا کیو ہے۔ نوی دہلی مانہہ گذشتہ روز ذرائع ابلاغ نال گل بات غے دوران وزیر موصوف نے کہیو کہ گندم غی فصل ور ایم ایس پی 2 ہزار 4 سو 25 مقرر کی گئی ہے جد کہ جو غی فصل ور یاه قیمت 1 ہزار 9 سو 80 مقرر کی گئی۔ اس تیں علاوہ

دیگر فصلوں اور وی قیمتوں نامہ بدھایو گیو ہے اور اس نال پیداوار غی قیمتوں نامہ 50 فیصد غو منافو حاصل وے گو۔

LG LLC

لیفٹنٹ گو رنر منوج سنہا نے لیجنڈ لیگ کرکٹ 2024 کھیڈ مقابلوں غا آخری کرکٹ مقابلہ غی ٹیماں نال بخشی سٹیڈیم سرینگر ماتہ ملاقات کی۔ اس دوران ایل جی موصوف کئی بین القوامی کرکٹ کھلاڑیاں نال ملیا جن ماتہ یو سف پٹھان، شہباز ندیم، نکھیل چوپڑا تے کئی دوجا کھلاڑی شامل تھان۔ اس بین القوامی کھیڈ مقابلہ نامہ کامیاب بنان تے کھلاڑیاں غی کا رکر دگی ور مبارکباد پیش کرتاں وان موصوف نے خوشی غو اظہار کیو۔ واضح رہے جے اس لیگ غو آخری کرکٹ مقابلو ساؤدرن سپر سٹارز تے سوریاں کو نرک اڑیسہ غے درمیان کھیڈیو گیو جہیزو جے ساؤدرن سپر سٹار نے جیت لیو۔

ASEAN India

سنگا پور ماتہ پچھلے تہارے آسیان بھارت ٹریک 1 سائبر پالیسی ور گل بات کی گئی ہے۔ اس گل باتی اجلاس غی صدارت سائبر ڈپلومیسی ڈویژن تے خارجہ امور بارے وزارت غا جوانٹ سیکریٹری نے مشترکہ طور ور کی۔ اس دوران دوہاں فریقوں نے سائبر خطرہ غا منظر نامہ تے قومی سائبر پالیسی تیں علاوہ دوجا معاملوں ور بونی پیش رفت غو جائزو لیو۔ اس تیں علاوہ مخصوص شعباں غی نشاندہی کرن واسطے صلاحیت تے تربیت غی نشاندہی کرن واسطے صلاحیت تے تربیت غو جائزو وی لیو گیو۔ اس اجلاس غو مقصد اس مہینہ غی 10 تاریخ نامہ آسیان بھارت کانفرنس غے دوران جاری کردہ جدیدیاتی تبدیلی نامہ آگے بدھان ور آسیان بھارت غا مشترکہ بیان غا نفاذ غے ذریعے آسیان بھارت جامعی شراکت داری سمجھوتہ نامہ مضبوط کرنو تھو۔

یہ خبر تم آکاشوانی جموں تیں سن رہیا ہیں خبراں غا باقی حصہ نال محبوب سلطانی۔

Search Operation

حفاظتی دستاں نے سرحدی ضلع پونچھ تے راجوری ماتہ دہشت گرداں غی درپکڑ واسطے بکھ بکھ جگہاں ور بڑا پیمانہ ور تلاشی کا روائی شروع کر دتی ہے۔ سرکاری ذرائع غے مطابق فوج تے پولیس نے بدھوار آلی رات دہشت گرداں کی موجودگی بارے سؤملن توں بعد ضلع پونچھ غا گراں گرسائی غا موہری شاہستار علاقہ ماتہ اک سانجھی تلاشی کاروائی شروع کی ہے۔ اس دوران گولیباری غو تبادلہ وی ہووے۔ تاہم اس سلسلہ ماتہ دہشت گرداں نامہ مار مکان واسطے اضافی نفری وی پلائی گئی ہے تے نال ہی نال حفاظتی دستاں ترون تے کھوجی کتاں غی وی مدد لے رہیا ہیں۔ اُنکاں فوج نے راجوری ضلع ماتہ شاہدارہ شریف غا کول کال علاقوں تے کندن ماتہ 3 مشتبہ افراد با رے سؤملن توں بعد تلاشی کا روائی شروع کی ہے۔ تاہم بن تک دہشت گرداں سنگ رابطو نہیں ہووے۔

Khatana Pak

راجیہ سبھا غا رکن تے بی جے پی رہنما انجینئر غلام علی کھٹانہ نے کہیو ہے جے بھارت پاکستان سنگ اس ویلے تک دوستانہ رشتاں غو خواہ نہیں ہے جد تک پاکستان دہشت گردی نامہ مدد فراہم کرن توں باز نہیں آتو۔ اک چینل نامہ دتا گیا انٹرویو ماتہ جناب

کھٹانہ نے کہیو جے پاکستان نانہہ دوستانہ رشتاں نانہہ عملی جامو پہنان واسطے فوری طور ور بھارت مانہہ دہشت گردی نانہہ مدد فراہم کرن توں باز آنو چاہیے۔ انہاں نے کہیو جے سال 1947 مانہہ دوہاں مُلکاں نانہہ آزادی اکھٹی لئی تھی تاہم اج تم دیکھ سکیں جے اک طرف بھارت نے بکھ بکھ شعباں مانہہ ترقی کر غے عالمی عزت حاصل کی ہے جد کہ دوجی طرف اج وی پاکستان نانہہ عالمی جگہاں ور دہشت گردی سنگ جڑیا وَا مُلک غا طور ور جانیو جا ئے۔ انہاں نے بھارت غی عالمی شراکت داری تے خصوصی طور ور انسانی وسائل مانہہ خدمات غی تعریف کی۔ انہاں نے کہیو جے بھارتی بُنر عالمی ترقی مانہہ اہم کردار ادا کر رہیو ہے۔ جد کہ پاکستان اج وی غربت غا دلدل مانہہ پھنسیو وہ ہے۔

Valmiki Greetings

صدر جمہوریہ درویدی مُرمو، نائب صدر جگدیپ دھنکر تے وزیر اعظم نریندرمودی نے اج مہاریشی والمیکی جینتی غا موقعہ ور نیک خواہشات غو اظہار کیو ہے۔ سوشل میڈیا پیغام مانہہ صدر جمہوریہ نے کہیو کہ آدی کوی والمیکی نے رامائین لکھ غے انسانی سماج نانہہ بھگوان شری رام غی کہانی غو تحفو پیش کیو۔ اور صدر جمہوریہ نے کہیو کہ لوکاں نانہہ اُن گا اقوال غی پیروی کرنی چاہیے۔ نائب صدر جمہوریہ نے کہیو کہ مہاریشی والمیکی غا علم، سچائی تے مذہب بارے خیالات مُلک نے سماج غے اندر آپسی بھائی چارہ نانہہ قائم رکھن مانہہ رہنمائی کر تا رہیں گا۔ وزیر اعظم نریندرمودی نے اس موقعہ ور اپنا پیغام مانہہ کہیو کہ مہاریشی والمیکی غی تعلیمات تیں لکھاں غی تعداد مانہہ لوک متاثر ہوا اور اُن نے موجودہ تے اُن آلی نسلان واسطے رامائین لکھ غے اہم کارنامو انجام دتو اور اُن غا خیالات نواں بھارت واسطے مشعلِ راہ ہیں۔

Murgun IMC

مرکزی وزیر مملکت برائے اطلاعات و نشریات ڈاکٹر ڈی ایل مروگن نے کہیو ہے جے نشریات کاراں غی اک سب توں بڑی ذمہ داری یاہ ہے کہ وے لوکاں نانہہ معیاری تے صحیح جانکاری فراہم کریں۔ اج نوی دہلی مانہہ بھارت موبائل کانگریس مانہہ نشریاتی شعبہ مانہہ اک سموزیم سنگ خطاب کرتاں واں ڈاکٹر مروگن نے نشریاتی تبدیلی غی طاقت تے بہترین مستقبل واسطے نوی ٹیکنالوجی نانہہ اپنان غی اہمیت ور زور پایو۔ انہاں نے کہیو جے مرکزی کابینہ نے حال ہی مانہہ 2 سو 34 نواں شہراں مانہہ 7 سو 30 نواں نجی ریڈیو چینلاں گا قیام نانہہ منظوری دتی ہے۔ ڈاکٹر مروگن نے اقتصادی ترقی مانہہ نشریاتی شعبہ غا کردار نانہہ مضبوط بنان تے سب واسطے اعلیٰ معیار گا مواد تک رسائی نانہہ یقینی بنان واسطے تکنیکی ترقی گا استعمال بارے حکومت غا عزم بارے وی دسیو۔ انہاں نے اینمیشن ویزول ایفک گیمنگ کمینگ گا شعبہ ور خصوصی توجہ دین غو مطالبو کیو۔ سمپوزیم سنگ خطاب کرتاں واں اطلاعات و نشریات غا سیکریٹری سنجے جاجو نے نشریاتی شعباں ریگولٹری اتجادات غا اہم کردار ور ٹیکنالوجی سنگ جڑیا رہن غی اہمیت ور وی زور پایو۔

اس غے نال ہی خبراں غو یوہ بلیٹن ختم ہوو۔